

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Johannis Segeri Weidenfeld De Secretis Adeptorum Sive
Usu Spiritus Vini Lulliani Libri IV**

Weidenfeld, Johann S.

Londini, 1684

127. Oleum Vitrioli noctu lucens Trismosini

[urn:nbn:de:bsz:31-96282](#)

127. Oleum Vitrioli noctu lucens
Trismosini,

*Libro Gangeniveron sive novem Tincturarum in
Tinctura prima.*

R. **V**itrioli Ungarici optimi libras duodecim, tere, solve aqua pura, & clara, vel pluviali destillata, sines fæces subsidere, solutionem decanta in patinam vitreatam, in pelvi æneo arena pleno situatam, dictam pelvim pone in Balneo, & abstrahe aquam ad cuticulam; sine refrigerescere, & quiescere per triduum in loco frigido, & interea temporis accipies lapillos virides, quos exime; residuum denuò abstrahe ad cuticulam, & pone ad cristallisandum, & hoc reperatur septies. Lapillos pone in hypocausto ejusdem caloris ac solis tempore caniculari, & in tali calore facessent in pulverem album. Vitriolum ita præparatum in Cucurbita cum collo longo, bene sigillato, pone in cineribus, quibus subpone lampadem, ita ut calor non excedat solem martialem; sic tamdiu relinquatur, donec Vitriolum incipiat flavescente, flavo autem facta, auge ignem Lampadis per gradum unum, & sic relinque per decem dies & noctes vel usque incipiat rubescere, tum iterum in Lampade ignem adauge per gradum alterum, & sic continua usque materia penitus rubicunda facta, Rubinī instar, tum ignem adhuc auge per decem dies, & occultum Vitrioli jam manifestum, & in sua rubedine ceu materia adhuc volatili præparatum est. Rubedine autem sic permanente exime vitrum ex cineribus, & materiam ex vitro, & pone in vitro magis solidō & fortī, cui affunde Acetum optimum bene rectificatum, bene cooperi, pone in Balneo, ita maneat per quatuor dies, quotidiē tamen agitando ter vel quater materiam spatula ex ligna corylino; sine refrigerescere; Acetum decanta in aliud vitrum, novum funde super materiam, digete in Balneo ut supra, hoc itera novo Aceto ter, Acetum decantatum leniter abstrahe usque materia maneat in forma salis in fundo, cui affunde novum Acetum acre, pone per quatuor dies in Balneo ut

Q q 2 antea

anteā ad dissolvendum, idque repetatur toties, usque sit absque omni residentia. Tum coagula materiam in pulverem siccum, & pone in Cucurbita vitrea orificii majoris & Alembici amplioris; Recipiens autem jaceat in vase aquā pleno, juncturis optimè clausis destilla igne aperto, attamen per quatuor horas valde leniter, posteā fortiter, & ascendent spiritus flavescentes, qui dicuntur Aēr, ignem continua in eodem gradu usque dum Alembicus rubescere incipiat; tum ignem urge ut Alembicus fiat sanguinei coloris, tum ignem adhuc auge, ita ut vitrum candeat ferri igniti instar, quod in eo retine calore, usque Alembicus fiat nivei coloris, tum adhuc fortius ignem urge ut Alembicus iterum fiat clarus & pellucidus, tum sine refrigerescere, remove Recipiens, & oleum funde in vitrum purum, quod bene occlude, & habebis verum Vitrioli oleum nocte dieque in locis tenebrosis lucens quod custode bene prō necessitate tua. Scias autem in fundo reperiri sal album & pulchrum quod oleo suo rubicundo, &c.

*Hoc Trismosini Receptum in omnibus fere convenit cum descrip-
tione menstrui ex vitriolo Isaaci, adeo ut etiam ab Isaaco mu-
tuatum mihi videatur, præsertim cum eadem Isaaci Phrasiology
de Vitrioli calcinati rubedine volatili retenta fuerit, itaque
quæ superius in Isaaci menstruum animadversa fuere, huic etiam
pertinent, addidimus autem istud eo quod Trismosinus Oleum istud
in tenebris lacere, nos certiores reddit, de qua menstrui sui qua-
litate Isaacus filuit.*

Ripleus hujus Generis Menstrua confecit hoc modo.

128. Circulatum majus Riplei, Pag. 395. Accurtationum,

Tempus veræ putrefactionis & alterationis fit sex hebdo-
madum spatio, quod tamen breviori tempore fieri po-
test, ut per medium tempus accurritur, & hoc per acutionem
Aquarum nostrarum Mercurialium hoc est Aquæ albæ & rubeæ
(laetis & sanguinis Leonis viridis sub No. 59.) cum Mercurio
communi sublimato, quod sic fac. Fixa & calcina Mercurio
sublimatum, & ipsum solve in Mercurio nostro albo vel
rubeo.